



1413

1452

Broj: 27-16-49- 148-173/17
Sarajevo, 27.11.17 godine

SKUPŠTINA KANTONA SARAJEVO
N/R Predsjedateljice, Prof. Ane Babić

30 -11- 2017

- ovdje -

Zastupnica Segmedina Bajramović Srna je na 33. Radnoj sjednici Skupštine Kantona Sarajevo, održanoj dana 02.10.2017. godine, u okviru tačke Dnevnog reda, "Zastupnička pitanja, inicijative i odgovori", a u skladu sa Poslovníkom Skupštine Kantona Sarajevo, **postavila je zastupnička pitanja vezana za aerozagadenje u Sarajevu.**

Zastupnička pitanja, a koje se odnose iz nadležnost Ministarstva komunalne privrede i infrastrukture su slijedećeg sadržaja:

"Bosna i Hercegovina je prema izvještaju Svjetske zdravstvene organizacije po broju umrlih na 100 hiljada stanovnika od posljedica zagadenim zrakom, a prema podacima iste organizacije Sarajevo je treći najzagadeniji grad u Evropi po pitanju količine PM10 i PM2.5 lebdećih čestica.

3. *Tražim da mi se od JP BH GAS dostavi informacija da li je i kada smanjena isporuka plina Kantona Sarajevo u 2016/2017, s napomenom da ukoliko je došlo do smanjenja da mi se dostave tačni datumi, te količine ili procenti obima smanjenja isporuke ?*
4. *Tražim od KJKP "SARAJEVOGAS" da mi dostavi informacije da li je i kada smanjena isporuka plina tokom 2016/2017 godine od strane BH GAS-a, s napomenom da ukoliko je došlo do smanjenja da mi se dostave tačni datumi, te količine ili procenti obima smanjenja isporuke ?*
5. *Tražim od KJKP "Toplane" da mi dostave da li je i kada smanjena isporuka plina tokom 2016/2017 godine, s napomenom da ukoliko je došlo do smanjenja da mi se dostave tačni datumi, te količine ili procenti obima smanjenja isporuke ?*
6. *Kolika je bila potrošnja alternativnih goriva u 2016/2017 godini od strane KJKP Toplane i koja su alternativna goriva u pitanju ?*



7. *Molim nadležno ministarstvo da mi dostavi tačan spisak kotlovnica na čvrsta i tečna goriva u Kantonu Sarajevo sa podatkom koje čvrsto i tečno gorivo je u pitanju kao i instalisana snaga njihovih postrojenja, te tačne podatke o emisiji zagađujućih tvari ?*

Tražim pisani odgovor.

U skladu sa članom 34. stav (4) Poslovnika o radu Vlade Kantona Sarajevo ("Službene novine Kantona Sarajevo", broj: 4/16 i 36/16), i u skladu sa stavom Vlade Kantona Sarajevo da pripremu na odgovore na poslaničko/zastupničko pitanje ili inicijativu daje resorno ministarstvo, i da isti je potrebno dostaviti u Službu za skupštinske poslove, kao i jedan primjerak u Stručnu službu Vlade Kantona Sarajevo, Ministarstvo komunalne privrede i infrastrukture Kantona Sarajevo daje slijedeći,

- odgovor -

U skladu sa odredbama Poslovnika Skupštine Kantona Sarajevo ("Službene novine Kantona Sarajevo", broj: 41/12 - Drugi novi prečišćeni tekst, broj 15/13, 47/13, 47/15 i 48/16) ovaj odgovor dostavljamo u pisanom obliku Predsjedateljici Skupštine Kantona Sarajevo kako bi isti bio dostavljen zastupniku, kao i ostalim zastupnicima u Skupštini.

Ministarstvo komunalne privrede i infrastrukture Kantona Sarajevo odmah nakon dostavljanja zastupničkog pitanja 24.10.2017 godine, u skladu sa svojim nadležnostima isto je odmah uputilo, KJKP "Toplanama – Sarajevo" d.o.o. Sarajevo, KJKP "Sarajevogas-u" d.o.o. Sarajevo, Privrednom društvu za proizvodnju i transport gasa "BH-GAS"-u d.o.o. Sarajevo na izjašnjavanje kojim se traži odgovor.

U skladu sa navedenim, Uprave navedenih preduzeća KJKP "Toplane - Sarajevo" d.o.o. Sarajevo, KJKP "Sarajevogas-a" d.o.o. Sarajevo i Privrednog društva za proizvodnju i transport gasa "BH-GAS"-u d.o.o. Sarajevo su traženi odgovor po zastupničkom pitanju dostavili, a koji u cijelosti svog sadržaja prenosimo u izvornom obliku:

KJKP "Sarajevogas" d.o.o. Sarajevo

U vezi sa Vašim dopisom broj 27-01-05-28024/17 od 24.10.2017 godine, obavještavamo Vas da je mjesec januar 2017 godine zbog izuzetno niskih temperatura i naglog porasta potrošnje prirodnog gasa, dobavljač BH Gas je obavijestio KJKP Sarajevogas da neće moći udovoljiti zahtjevu za isporuku povećane količine prirodnog gasa za Kanton Sarajevo u odnosu na dogovorenu.

U saradnji sa KJKP Toplane izvršeno je smanjenje isporuke gasa ovom kupcu na način da je dio kotlovnica KJKP Toplana prešao na korištenje alternativnog goriva kako bi se očuvala stabilnost gasnog sistema i redovno snabdijevanje prirodnim gasom svim kupcima u Kantonu Sarajevo.



web: <http://mki.ks.gov.ba>
e-mail: mki@mki.ks.gov.ba
Tel: + 387 (0) 33 562-086, Fax: + 387 (0) 33 562-177
Sarajevo, Reisa Džemaludina Čauševića 1



Ovaj režim isporuke prirodnog gasa trajao je u periodu od 09.01. do 11.01.2017 godine, nakon čega je nastavljeno redovno snabdijevanje prirodnim gasom svim kupcima u Kantonu Sarajevo.

Procijenjena količina gasa koja nije distribuirana kotlovnica koje su prešle na korištenje alternativnog goriva u navedenom periodu iznosi cca 250.000 Sm³, što je i ukupna količina u sezoni 2016/2017 godine.

KJKP "Toplane – Sarajevo" d.o.o. Sarajevo

U vezi sa Vašim dopisom broj 01-05-28024/17 od 03.10.2017 godine, obavještavamo Vas da je zbog smanjenja isporuke zemnog gasa u mjesecu januaru 2017 godine su korištena alternativno gorivo i to:

- | | |
|--|------------|
| • LUS (lož ulje srednje – mazut) u periodu 09.01. - 11.01.2017. god. | 174.601 kg |
| • LUEL (lož ulje ekstra lahko) u periodu 09.01. - 10.01.2017. god. | 86.495 l |

što je i ukupna potrošnja alternativnog goriva u sezoni grijanja 2016/17.

Potrošnja zemnog gasa za mjesec januar je iznosila 12.667.663 Sm³.

Alternativno gorivo je trošeno isključivo u periodu niskih temperatura i enormne potrošnje zemnog gasa kako ne bi došlo do raspada energetskog sistema u Kantonu Sarajevo. Potrošnja alternativnog goriva je iznosila cca 2 % od ukupne potrošnje u mjesecu januaru.

Privredno društvo za proizvodnju i transport gasa "BH-GAS"

Želimo da Vam uputimo riječi izvinjenje što u kraćem vremenskom roku nismo odgovorili na predmetni dopis. Naime, u proteklom periodu aktivnosti BH-GAS-a, koje su bile i medijski popraćene, su upravo u direktnoj vezi sa ostavljenim pitanjima.

BH-GAS čini sve napore da grad Sarajevo nema ograničenja u transportu prirodnog gasa preko Srbije, tj. da se u gradu što manje troši mazuta, a u funkciji smanjenja zagađenja zraka, tj. zaštita čovjekove okoline.

BH-GAS izražava zahvalnost u vezi postavljenih pitanja uvažene zastupnice Segmedine Bajramovi Srne i ono što možemo odgovoriti je da u sezoni grijanja 2016/2017 godine KJKP Sarajevogas nije bilo ograničavano od strane BH-GAS-a u vezi potrošnje prirodnog gasa.

Želimo da ukažemo da je na dane 09.01. - 11.01.2017 godine došlo do drastičnog pada pritiska u transportnom sistemu, a sve zbog enormne potrošnje prirodnog gasa uslijed izuzetno niskih temperatura, te su prema našim informacijama KJKP Toplane na po par sati dnevno trošili mazut. Navedeno znači da kroz postojeći gasovod nije moglo proći više prirodnog gasa, pa se u cilju obezbjeđenja dovoljnih količina prirodnog gasa individualnim potrošačima, KJKP Toplane su trošila mazut.

Naglašavamo da su sve aktivnosti koje je BH-GAS vodio, naročito u sezoni 2016/2017, bile upravo u funkciji da i KJKP Toplane koriste mazut manje nego u zadnjim sezonama grijanja.



web: <http://mki.ks.gov.ba>
e-mail: mki@mki.ks.gov.ba
Tel: + 387 (0) 33 562-086, Fax: + 387 (0) 33 562-177
Sarajevo, Reisa Džemaludina Čauševića 1



Još jednom se izvinjavamo na kašnjenju u dostavljanju odgovora na pitanje uvažene zastupnice Segmedine Bajramović Srne.

S poštovanjem,



Dostaviti:

1. Naslovu;
2. Stručna služba Vlade Kantona Sarajevo;
3. Evidencija;
4. Arhiva.



web: <http://mki.ks.gov.ba>
e-mail: mki@mki.ks.gov.ba
Tel: + 387 (0) 33 562-086, Fax: + 387 (0) 33 562-177
Sarajevo, Reisa Džemaludina Čauševića 1

